


Carvè dir 1931




Businà dir Castlâs

*Ecco ra tur d'arlôri du nost Castlâs
cra sôuna da fô e ra bat ir j'uri
e sêinsa máj pieghesi - da l'áut a bâs -
'ra serv tant i pover quant i siuri.*

*'Sta tur a travers ai têimp e a ra storia
ra ricorda a Nuj r'antica gloria!*

TIP. G. FERRARI, OCCELLA E C. - PIAZZA CARIBALDI - TEL. 21-73





Castlâsii:

I

Oh sàinti, sàinti, 'sta nostra Businà
mudèsta rima dna cumpagnêia d' fiôj
che suta a ra vesta da maschêrà
av ricorda — ant ist pover Carvè d'ancôj —
L'alegrêia dra gioventù dna vota
Sâna, leale, franca e devota!

II

Bej têimp cuj là di nôster Pari antich
quandi sansa tant modi e nuvitâi
u tirava anàu ir pover e u rich
per l'amur e ir prugras dir nost Cuntrâi.
Adàs i iàu ticc poira d' pì pudài mangè
e is fau bitè i dâincec d'or a tit andè.

III

Ma piòmra, piòmra pira cme ch'aurôma
ir Mònd ir fa dra strà e ir fila fort.
L'è pruibì d' ciamès danda ch' andôma,
o dumandès se u s'â rasôu o tort.
Che prugras, e che sâmanesi d' gèint:
per parlè d' Binda o d' Gira is rômpu i dâincec!

IV

Poc l'amporta che ir vivi ir cala.
 Ra giôventi ra painsa àu giò da balôu
 e pircà ir balôu l'è nàint 'na bala
 un tuca anteresesi cun pasiôu.

Se fèj se ir crês e u sa sbasa ir grau
 basta ch'ir vainsa Carnera par eno-cau.

V

I caciadur i iàu 'na custansa d' fer.
 Cun di curp che is smêiu canunâi
 i vau a gara a chic ch'masa pi tant lèv
 propi ant ir zoni che i sôu vietâi.

Ra cacia ra 'na seria istitusiôu
 par poc ch'us a sbaglia us va finì an parsôu.

VI

Sàinti 'sta barzêlêtâ 'duj caciadur
 in di qual, tirà a na lèv straurdinaria
 uj dis-auganda ra bestia ch'as na cùr
 a gran forsa cun ra so côua ant l'aria:

Va pira, duj balii t'iai da 'na banda!
 « Sl'è 'n masec » u rispond ir compagnn arianda.

VII

Dop au sport uj stà ra moda e l'ambisiôu.
 Ant'in nàint u sa schêrsa e slonga i vesti
 u sa slarga, u sa stràins i pantalôu
 e an russ e bleu ur fa ir 'ongi di di.

Basta di cl'è d' moda e ir cunsàins i l'aj
 fin cul d'fè di dêbit e d'paghèi màj!

VIII

U ià d'fôj ch' j uservu tit ir nuvità.
 I portu ir braii au sbruff e i stivalôu
 e a ra saira a l'ausii j dàu ina svigià
 pircà alvèsisia da sul in sôu nèint hâu.

In fjô che l'ausii l'à nàinta disturbà
 l'è andacc ant i lansò cuj sôj stivà.

IX

Ra moda as userva ultre ant i gabâgi
anche ant ir iusansi e ant l'amur.

I fiôj i bêtu tit u so curâgi
per trichesi d'artista o da pitur.

Cavêi ben ôndulâ, barba o barbis
basta smîai a Jhon Gilbert o a Tom Mix.

X

Ir fij, uriginali e capriciusi
i sa smirciu cùj fiôj a suta i porti.

I amu fês tuchè s'i sôu pulpusi
ant i mumàint ch'u ià ir luci smorti.

Bast fês nutè: e ra pusa, ra dundôuna
tan ra pì magra, quant ra pì scutôuna.

XI

Tit ir fij is pruclamu andependàinti.

Cmè j'omi is na aintru ant'i cafà
e i parlu dna manera... Stè a sàinti:

T'ài dir gran bali (ra dis ièina; l'otra) ancôj aiò quaià.

E tra bali è quaiadi ir noster toti
'sa sbisarisu cun tit ir so bel doti!

XII

Ist fij i portu pì ra camisa
mane ir brâi, ir curpèt e u sutanii.

I fau du tit par scansè butôu e frisa
e d'noia e d'fadèia a coca dii.

Acsêi, cus Cumbinasiôu cumbinâi
l'è facil truvè d' fij sansa brâi.

XIII

Eviva ir prugras i disu tra d'lur
e per propi nàinta armani andrera.

j'àu pensà 'd 'fesi in po' d'unur
cun 'na gara uriginal e vera:

Vist che j'omi ant ra Box i fau furur
lur is sôn pruvâi a dèss d' pignn an sir mur!

XIV

E dir nos doni mariâi csè quintè?
 Che i fau andè a mat i sôj mari,
 Ch'is na giru tit u dêj a ciacerè,
 chi amu d'pì ra Sacrêstêia che cuisî?
 Ormâi alsôma ch'i sôu robi vagi isti
 e nuj a pensôma hàj d'nàinta insisti.

XV

Parlôma pitòst d' cui cosa an general
 du nost Païs, che an certi su rubêti
 l'è per ticc i furstè dna buntà tal
 che scus uj ricev e uj spediss cur 'r ghêti
 L'esajmpi se i vori l'è prêsta face
 pensè a cuj du dasi e dir firmacc.

XVI

U noster brav Païs l'è tantu antich
 che um tuca fêi dir trasfurmasiôu.
 Se ir fis pusibil feli dventè rich
 cui cambiamàint cuntinui ad Diresiôu.
 Ra nuvità rè roba necessaria
 ch'ra fa hàj fina a ra cmà e a ra baria.

XVII

Ra forsa d'in païs ra ant'j asuciâsiôu.
 L'è bel vighi se ticc i sôu dacordi
 par ra pas e ir prugras d'ina nasiôu.
 Ma csè fêi se ar Castlâs i sôu discordi
 da 'na part: j' eserciant ed i prichè;
 da l'otra: cuj dir foot-ball e dir balè.

XVIII

Epira esàimpi d'pàs ad sucietâi
 uj n'â tàince e tàince da feni in fagot
 fina ant culi umil' quas' inuservâi
 di strasè, di mendicant e di pulôt.
 'Sta buna gêint, unêia ant'na asuciâsiôu
 's'â divis dir Païs, ir posti ei cantôn.

XIX

An certi streci uj à dir lampadèini
bitàì per mustrè ra stra a ra gèint.
Ma se prima d'gèint j'eru dlone pèini
adàs uj va sul di cau a fè ir carsèint.

Ra lis per i namurà re 'na cosa
ch'ai bat ant'j occ e ài lasa nàint piè ra posa.

XX

Ra Gesia d'San Carl rà in bel campanii
cun quater canucial e quat'arlôri.
Ir mal che uj na funsiôuna nàinta ii
pircà us smêia c'uj diga manchei l'ôri.

Se aiôma dir cumuditâ e dir meravêi
pircà a foma certe ecunumêi?

XXI

Se da ogni bocce dra cupula — pensè —
uj funsiunâisa in canucial putàint
ir nos doni j'avraivu u so da fè
a uardè tit a tur cul che in sau nàint.

E se j'arlori i batisu quart e uri
a vendôma ir mustri e dventôma siuri!

XXII

Dar pont S. Michè, u iera prima 'na Crus
che 'u noster pasant u salitava
cu 'r capà, in inchii, o u sèignn dra crus
e grasia e prutesiôu an pramiu l'ava.

Adas ra mancansa d' sa Crus d'S. Michè
ra fà andè mal tîr ir robi e ticc j'afè.

XXIII

Dar burg dra Mura e da ra Trinità
j'automobil i portu a spàs ir toti.
Per nuj piligrîi rê ina nuvità
abituà eme ch'à sôma andè a pioti.

Au dêj d'ancôj, l'automobil, o car siur
re ra moda pì veloce par fè l'amur.

XXIV

Sautôma d' pianta u centro dir Pais
 e ripusômsi na frisina ans l'Ersu
 Ai trovôma ticc i noster car amis
 ch'i sna giôgu a l'amur e i schersu.
 Se poi a rivôma fin ant l'Isrêta
 l'è tit in namurà cruià 'sl'erbêta.

XXV

Nuj l'è a Burmia che aurivu rivè
 e propri an cun Burmia a stralasôma
 pircà u nès u noster pover burcè
 e poc têmp u ià 'd'di cul ch'a trovôma.
 D'istà là, ra gêint ra va an vilegiatira
 per scuatesi ir... a l'aria pira!

XXVI

Oh Castlâsii, cun 'sta nostra rasêgna
 faccia am poc trop a gran velocità
 auv salitôma sichir ch'nîi us ra pêia
 pregandvi d'catè ra nostra businà.
 I'uti nuiàcc — brav fiôj vulenterus
 ch'aiôma avî dir spaisi a fè ist carus.

